

SAMÞYKKT

um kattahald í Borgarfjarðarsveit.

1. gr.

Kattahald í Borgarfjarðarsveit sætir þeim takmörkunum sem greinir í samþykkt þessari.

2. gr.

Allir heimiliskettir utan lögbýla í Borgarfjarðarsveit skulu skráðir á skrifstofu hreppsins. Við skráningu fær eigandi hans afhenta númeraða plötu með skráningarnúmeri kattarins og símanúmeri eiganda. Kötturinn skal ávallt bera ól um hálsinn með plötu þessari.

Hreppsnefnd er heimilt að leggja á sérstakt skráningar- og eftirlitsgjald sem nemur sannanlegum kostnaði við skráningu kattarins og árlegt gjald vegna framkvæmdar samþykktar þessarar.

Kattareigandi skal árlega framvísa til hreppsnefndar vottorði dýralæknis, um að kötturinn hafi verið hreinsaður af spóluormum. Þá skal, ef óskað er eftir, framvísa vottorði dýralæknis um að kötturinn hafi verið hreinsaður af öðrum sníkjudýrum.

3. gr.

Eigendum katta er skylt að gæta þess að köttur hans valdi ekki tjóni, hættu, óþægindum, óþrifum eða raski ró manna. Kattareiganda ber að greiða allt það tjón sem köttur hans veldur, svo og allan kostnað við að fjarlægja dýrið gerist þess þörf.

4. gr.

Gjald samkvæmt 2. gr. og handsömunargjald samkvæmt 3. gr. skal greitt samkvæmt gjaldskrá sem hreppsnefnd setur að fenginni umsögn heilbrigðisnefndar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Hreppurinn skal láta birta gjaldskrána í B-deild Stjórnartíðinda.

5. gr.

Hreppsnefnd er heimilt að láta lóga ómerktum köttum, enda hafi framkvæmdin verið auglýst með áberandi hætti í sveitarfélaginu og kettirnir geymdir í a.m.k. 7 sólarhringa áður en þeim er lógað.

6. gr.

Fyrir hönd Borgarfjarðarsveitar annast eftirlitsmaður á hennar vegum, framkvæmd og eftirlit með kattahaldi í hreppnum samkvæmt samþykkt þessari. Eftirlitsmaður getur leitað aðstoðar lögreglu, þegar þörf krefur en að öðru leyti starfar hann í umboði og undir eftirliti heilbrigðisnefndar við sín eftirlitsstörf.

7. gr.

Með brot út af samþykkt þessari skal fara að hætti laga um meðferð opinberra mála og að öðru leyti í samræmi við ákvæði laga nr. 7/1998, um hollustuhætti og mengunarnarnir, með síðari breytingum.

8. gr.

Framangreind samþykkt hreppsnefndar Borgarfjarðarsveitar staðfestist hér með sam-

kvæmt ákvæðum 25. gr. laga nr. 7/1998, um hollustuhætti og mengunarvarnir, með síðari breytingum til þess að öðlast gildi þegar við birtingu.

Umhverfissráðuneytinu, 27. júní 2002.

F. h. r.

Ingimar Sigurðsson.

Sigurbjörg Sæmundsdóttir.

SAMÞYKKT

um hundahald í Borgarfjarðarsveit.

1. gr.

Hundahald er bannað í Borgarfjarðarsveit að undanteknum þarfahundum á lögbýlum og hundum sem notaðir eru til leitar og björgunarstarfa, svo og aðstoðarhundum blindra og fatlaðra.

2. gr.

Hreppsnefnd er þrátt fyrir ákvæði 1. gr. heimilt að veita lögráða einstaklingum sem lögheimili eiga í sveitarfélaginu undanþágu til hundahalds með eftirfarandi skilyrðum:

- a) Hundurinn skal skráður á skrifstofu Borgarfjarðarsveitar, og þar fær eigandi hundsins afhenta númeraða plötu sem jafnan skal vera í ól um háls hundsins.
- b) Árlega skal hreppssjóði greitt leyfisgjald fyrir þá hunda, sem undanþágan er veitt fyrir og innifelur gjaldið ábyrgðartryggingu sem Borgarfjarðarsveit kaupir og auglýsta hundahreinsun. Gjaldið skal greitt samkvæmt gjaldskrá sem hreppurinn setur, að fenginni umsögn heilbrigðisnefndar. Við ákvörðun gjaldsins skal tekið mið af þeim kostnaði, sem leiðir af framkvæmd þessarar samþykktar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlitsins með einstökum þáttum. Hreppurinn skal láta birta gjaldskrána í B-deild Stjórnartíðinda. Gjaldið skal í fyrsta sinn greitt við skráningu hunds og síðan með gjalddaga 20. febrúar ár hvert. Í gjaldskrá skal einnig ákveðið handsömunargjald, sbr. 2. gr. f-lið. Hafi gjaldið ekki verið greitt innan eins mánaðar frá gjalddaga er heimilt að afturkalla leyfið, svo og ef hreinsun hunda er ekki framkvæmd eftir ákvörðun hreppsnefndar.
- c) Hundurinn skal aldrei ganga laus á almannafæri, heldur skal hann vera í taumi eða í fylgd með aðila, sem hefur fullt vald yfir honum. Hundaeigandi skal gæta þess að hundur hans valdi ekki hættu eða raski ró manna eða verði mönnum til óþæginda á neinn annan hátt. Þá er umráðamönnum alltaf skylt að fjarlægja saur eftir hundinn nema á eigin lóð eða í úthaga. Skilyrði fyrir hundahaldi í sambýlishúsum, er að allir íbúðareigendur samþykki og skal leggja fram skriflegt samþykki þar um við skráningu hundsins. Eigi er leyfilegt að hafa með sér hunda þó í taumi séu inn í opinberar stofnanir, skólahús, matvöruverslanir eða aðra þá staði sem um ræðir í III.-V. og VII.-XV. kafla heilbrigðisreglugerðar nr. 149/1990 með síðari tíma breytingum, en þeir eru m.a. eftirfarandi:
 1. Vatnsveitur, vatnsból og verndarsvæði þeirra, brunnar og sjóveitur.
 2. Almennings- og útsalerni.